

Gojgaeq Gvej Haeux

割 稻 的 故 事

Mwh cuengqgyaj, gou daengz ranzcoj lajmbanj bae guhcaemz. Seizneix, cingq dwg seiz geiqciet “suengciengi”. Gyoengq vunzhung moix ngoenz caeux ok laep haeuj, gou ne, boux vunz youq ndwi ndeu, roxnyinh mbwqmbatmbat.

Doengxhaemh, gyoengq vunzhung dauqma lo, gou cengqmbai doiq daxlungz naeuz: “Daxlungz, gou daengx bi maeuq youq ndaw singz, mbouj rox gij haeux hausagsag neix daj gizlawz daeuj, ngoenzcog gou siengj caeuq sou bae gvej haeux, ndaej lwi?” Couh lumj gou liuh daengz ityiengh, cingqcaen, daxlungz doeksaetyat naeuz: “Mwngz rox lwi? Ndaw nazraemx miz hauilai non, haeb dawz mwngz, fajga mwngz deng hoengz deng gawh, mwngz siengj cungj gaej siengj lo.” Seizneix, daxgoeng gangjavah lo: “Gou yawj Linzlinz majhung lo, ndaej sawq guh gij hong lajmbanj lo.” Couh yienghneix, ngoenz daihngaih, gou gaem fagliemz, riengz gyoengq vunzhung itheij bae ndaw nanz lo.

Gyanghaet hoengheiq sangj dangqmaz, daengngoengz haet cik ndongq aenmbwn, doenghnaz yawj mbouj daengz gyauej haenx haeuxriengz naeknumnum, gaenq deq gyoengqvunz daeuj gvej lo. Gou sup gaemz heiq raezrangrang ndeu, ndawhoz ngeix, ngoenzneix itdingh biujyienh ndei cij ndaej, hawj gyoengqde gaej yawjcuij lwgnyez ndaw singz.

Daeuj daengz ndaw naz, gou ndwn youq baihnaj rongh haeux ndeu, vad liemz couh gvej. Byawz rox fajfwngz gou baez saenz, fagliemz cadi gvej dawz din gou. Gou hemq “aeyo” sing ndeu, hwk dwk hanh conh bae, doq naiqnueknuek roengzdaeuj, ndwn youq ndaw naz ngeizngwdngwd, mbouj gamj caiq gvej lo. Daxlungz raen le, byaij daengz dangqnaj gou, yawjyawj gou naeuz: “Linzlinz, mwngz yienghneix gaem liemz mbouj deng, yaek hawj bakliemz cuengq bingz, yienghneix, couh mbouj gvej dawz din lo, caemhcai q gij haeuxnyangh haenx gvej ndaej youh vaiq youh bingz.” Daxlungz doq son doq gvej hawj gou yawj. Geizheih, gohaeux deihaenyaen haenx youq laj liemz de baenzlawz yienghneix dingqvah, caezcupcup gvej roengzdaeuj.

Yienghneix, gou hag gij yiengh daxlungz son haenx, gutgungj diuzhwet, siujsim riri gvej hwnjdaeuj, hai, mwngz gaej naeuz, lienzdaemh gvej geij gaem hix mbouj bungq deng din. Gou gvej yaek ndaej buenq rongh haeux, couh baeg dwk diemheiq fofo, gen ga hix roxnyinh unqnemnem. Muengh yawj baenz benq haeuxnaz neix, ndawsim siengj doiqdaug lo. Mehbaj yawj okdaeuj lo, couh doiq gou naeuz: “Suenq lo, mwngz gaej gvej lo, mwngz caengz roengz naz gvaq, guh yienghneix couh ndaej lo.” Gou lumj deng vunz yawjcuij nei, couh



dawz gij cingsaenz baenzbaenz mbouj lau haenx okdaeuj, dauqungz cengqrengz, baez gungj hwet, gveq haeux hwnjdaeuj.

Gou cengqgengz gvej diemj cung ndeu le, saedcaih ndang unq liux lo, daxlungz ep dawz gou soengq ma ranz. Gou cungjsuenq mingzbeig lo, gij hong lajmbanj caen mbouj yungzheih guh, hawj gou engq insik gij vuenyungz seizseix lo.

(bouxij Luz Gyahsinh bouxhoiz Goenggen)



Hagseng Yungzsuij Dalang Cin Siujyoz Fatbiuj Faenzcieng Sawcuengh Ndaej Vunz Hozhaenz

融水大浪镇小学学生发表壮文作品引关注

Bineix it nyied, Yungzsuij Myauzcuz Swciyen Dalang Cin Cunghsinh Siujyoz haj nienzgaep 2、3 ban Veiz Yijcangz daengj 6 boux hagseng baenbied youq 《Gvangjsih Minzczuz Bau》 banj Sawcuengh fatbiuj le cozvwnz hagseng, youq ndaw hagdangz yinxhwnj saenqdoengh. Ndaw doz dwg Veiz Yijcangz、Hoz Fuhenz、Loz Naijceiz、Vuz Liengzyen、Gyaj Siulanz (daj baihsuix daengz baihgvaiz) 6 boux doengzhag sou daengz bauqceij daeng gij faenzcieng swheij le angq dwk “angj” hawj vunz yawj.

(Yangz Senhvah ingi)

Lwgvuengziq



bouxraiz Swng' aihgwzsuhbeilij bouxhoiz Luz Fwncangz

圣埃克苏佩里 著 卢奋长 译

Miz ngoenz ndeu, de gienq gou naeuz: “Mwngz yunghsim veh mbaw veh gyaundeidei ndeu vei, yienghneix gyoengq lwgnyez aen singhgiuz mwngz couh geiq ndaej gienh saeh neix lo. Danghnaeuz miz ngoenz ndeu, gyoengqde okbae liuh, gijneix doiq gyoengqde gig miz yungh.” De youh naeuz: “Mbangseiz, yiengh hong ndeu gvaq saek song sam ngoenz cij bae guh, caemh mbouj miz gijmaz, hoeng danghnaeuz dwg ciemz faexceizlingz cungj saeh neix, couh dwglau lai lubw, mbouj ciemz de bae couh baenz nanh lo. Gou bungz gvaq miz aen singhgiuz ndeu, miz boux gik ndeu youq gwnzde, de lamq gvaq sam go faexlwg……”

Dingq Lwgvuengziq naeuz yienghneix, gou couh veh mbaw veh aen singhgiuz neix okdaeuj.



Gou mbouj gyaenz lumj boux goengguhdaux nei gyaenz gyaueq vunz, hoeng faexceizlingz dwglau dangqmaz, vunzlai cungj mbouj rox de dwglau lai, danghnaeuz miz vunz youq aen singhgiuz de loengroen couh yungyiemi lai lobw. Yienghneix, baezneix gou mbouj ndaej mbouj gyaueq vunz lo. Gou doiq gyoengq lwgnyez naeuz: “Gyoengq lwgnyez sou ha, siujsim gofaexceizlingz bw!”

Gyoengq beixnuengx gou caemh mbouj rox yungyiemi henz ndang. Vihliux hawj gyoengqde siujsim yungyiemi henz ndang, gou couh roengzrengz veh mbaw veh neix, baenzlawz dwgrengz goj diindaej. Gyoengqsou aiq yaek cam gou naeuz: “Vihmaz ndaw bonj saw neix mbouj miz saek mbaw veh lumj mbaw veh faexceizlingz neix veh ndaej ndei, hawj vunz doeksaet, hawj vunz lumz mbouj ndaej ne?” Yaek han coenz vah neix cix ngaih lai lo. Mbawveh wnq gou goj sawq gvaq veh ndei di, hoeng veh mbouj baenz go. Mwh gou veh faexceizlingz, miz cungj simcingz gaenjgip he bik dwk gou veh de ndei bae.